



**საქართველოს შინაგან საქმეთა სამინისტრო
სპეციალური და საგანგებო ღონისძიებების ცენტრის
სატენდერო დოკუმენტაცია
ინსტრუქცია ტენდერში მონაწილეთათვის**

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.

1. სახელმწიფო შესყიდვების დაფინანსების წყარო

1. 2013 წლის სახელმწიფო ბიუჯეტი.

2. შესყიდვებში მონაწილეთა უფლებამოსილება

2.1 სატენდერო წინადადების წარდგენისათვის პირველ რიგში უნდა დარეგისტრირდეთ სახელმწიფო შესყიდვების ერთიან ელექტრონულ სისტემაში მიმწოდებლის სტატუსით. შემდეგ ვალდებული ხართ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

2.2 პრეტენდენტის ქმედებასთან დაკავშირებული რისკისგან დაზღვევის მიზნით, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, რომელიც იქნება სატენდერო განცხადებაში მითითებული შესყიდვის ობიექტის სავარაუდო ღირებულების 1%-ის ოდენობით, რომლის მოქმედების ვადა განისაზღვრება არანაკლებ 160 კალენდარული დღით სატენდერო წინადადების მიღების დაწყებიდან.

სატენდერო წინადადების გარანტია მიმწოდებელს უკან არ დაუბრუნდება შემდეგ შემთხვევებში;

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემების დამადასტურებელი დოკუმენტები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და/ან სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) გათვალისწინებულ ვადაში;
- დ) პრეტენდენტის მიერ არაკეთილსინდისიერი ქმედების განხორციელებისას;
- ე) პრეტენდენტი შეყვანილია შავ სიაში შესაბამისი ტენდერის ჩატარებისას.
- ვ) პრეტენდენტის მიერ წარმოსადგენი საკვალიფიკაციო მონაცემების (ასეთი დოკუმენტაციის მოთხოვნის შემთხვევაში) დამადასტურებელი დოკუმენტების წარმოუდგენლობისას.

2.3 მიმწოდებელმა უნდა წარადგინოს ტენდერში მონაწილეობის საფასური 50 ლარის ოდენობით, რომელიც შემდგომ დაბრუნებას არ ექვემდებარება.

3. სატენდერო წინადადების წარდგენის ფორმა

3.1 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება, რომელიც ძალაშია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ჟ“, „რ“, ან „ტ“ ქვეპუნქტებით გათვალისწინებული ეტაპის დადგომამდე.

3.2 სატენდერო წინადადება შედგება - სატენდერო წინადადების ფასისაგან (ერთეული ფასი –გამოსახული უნდა იყოს ტრანსპორტირების ხარჯების და ყველა სხვა გადასახადების გათვალისწინებით) და ტექნიკური დოკუმენტაციით გათვალისწინებული გადასახადებისაგან.

3.3 პრეტენდენტის მიერ წარმოდგენილი სატენდერო წინადადების ღირებულება უნდა იქნას წარმოდგენილი მხოლოდ ეროვნულ ვალუტაში (ლარი).

3.4 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

3.5 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

3.6 პრეტენდენტს არა აქვს უფლება წარადგინოს ალტერნატიული წინადადება.

4. სატენდერო წინადადების განხილვა

4.1 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადების და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღეს ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

4.2 თუ პრეტენდენტის მიერ წარმოდგენილი სატენდერო წინადადება შეესაბამება სატენდერო განცხადების და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, (ასეთი დოკუმენტაციის მოთხოვნის შემთხვევაში).

4.3 პრეტენდენტის მიერ საკვალიფიკაციო მონაცემები არის ადმინისტრაციული ორგანოებიდან წარმოსადგენი დოკუმენტი, რომლის წარმოდგენას პრეტენდენტს, შემსყიდველ ორგანიზაცია განუსაზღვრავს ვადას არაუმეტეს 5 სამუშაო დღისა (ასეთი დოკუმენტაციის მოთხოვნის შემთხვევაში).

4.4 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), შემსყიდველი დებს მასთან სახელმწიფო შესყიდვების შესახებ ხელშეკრულებას.

4.5 პრეტენდენტის დისკვალიფიკაცია ხდება რიგ შემთხვევებში:

ა) პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტების წარმოუდგენლობის ან/და ხარვეზის მქონე მონაცემების წარმოდგენისას, (ასეთი დოკუმენტაციის მოთხოვნის შემთხვევაში).

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოდგენს ხელშეკრულების შესრულების უზრუნველყოფის გარანტიას (გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

4.6 იმ შემთხვევაში თუ მოხდა პრეტენდენტის დისკვალიფიკაცია, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომღვეწო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებისა და სატენდერო დოკუმენტაციაში მოცემულ მოთხოვნებს.

4.7 იმ შემთხვევაში თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომღვეწო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შემდეგ, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

5. სატენდერო პროცედურების შეჩერება ან შეწყვეტა

5.1 შემსყიდველ ორგანიზაციას ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

5.2 შემსყიდველი ორგანიზაცია ტენდერის შეწყვეტის შემთხვევაში ვალდებული არ არის პრეტენდენტს წარუდგინოს დეტალური ინფორმაცია და აუნაზღაუროს შესყიდვაში მონაწილეობასთან დაკავშირებული ხარჯები.

6. გამარჯვებულ პრეტენდენტთან ხელშეკრულების დადება

6.1 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტიდან დაზუსტდება სატენდერო წინადადების შესაბამისად.

6.2 პრეტენდენტის მიერ საკვალიფიკაციო მონაცემების დამადასტურებელი დოკუმენტების სრულყოფილად წარმოდგენის შემდეგ (ასეთი დოკუმენტაციის მოთხოვნის შემთხვევაში) გამარჯვებულ პრეტენდენტსა და შემსყიდველს შორის იდება სახელმწიფო შესყიდვების შესახებ ხელშეკრულება, საკვალიფიკაციო მონაცემების წარდგენიდან არაუგვიანეს 5 სამუშაო დღისა. აღნიშნული ვადის გაგრძელება შესაძლებელია არაუმეტეს 5 სამუშაო დღით, მხოლოდ სატენდერო კომისიის დასაბუთებული ოქმის საფუძველზე, რომელშიც მითითებული იქნება ობიექტური მიზეზები, რომელთა გამოც ვერ მოხერხდა ხელშეკრულების დადება დადგენილ ვადაში.

6.3 სახელმწიფო შესყიდვის შესახებ ხელშეკრულება შემსყიდველი ორგანიზაციის მიერ სისტემაში უნდა აიტვირთოს მისი დადებიდან არაუგვიანეს 10 დღისა.

7. დამატებითი პირობა

7.1 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

7.2 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

7.3 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ.

ტექნიკური დოკუმენტაცია

1. შესყიდვის ობიექტი – დანართი №2-ის შესაბამისად.
2. შესყიდვის ობიექტის მიწოდების ადგილი – ქ. თბილისი ქიზიყის №5
3. შესყიდვის ობიექტის მიწოდების ვადები – ხელშეკრულების გაფორმებიდან 45 კალენდარული დღის განმავლობაში.

4. პრეტენდენტის სატენდერო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

- 4.1 პრეტენდენტის იურიდიული დასახელება.
- 4.2 პრეტენდენტის იურიდიული და ფაქტიური მისამართი.
- 4.3 ხელმძღვანელის სახელი და გვარი.
- 4.4 ელექტრონული მისამართი.
- 4.5 პრეტენდენტის საკონტაქტო ტელეფონის ნომერი.
- 4.6 პრეტენდენტის საბანკო რეკვიზიტები.
- 4.7 პრეტენდენტის საინდიფიკაციო კოდი.
- 4.8 ფასების ცხრილი - დანართი №1-ის შესაბამისად.
- 4.9 საუკეთესო ფასის მქონე პრეტენდენტმა უნდა წარმოადგინოს ქ. თბილისი, ქიზიყის ქ. №5-ში საქონლის ნიმუში (ნიმუშის წარმოდგენლობა გამოიწვევს პრეტენდენტის დისკვალიფიკაციას).
- 4.10 პრეტენდენტმა უნდა წარმოადგინოს შემოთავაზებული საქონლის სრული ტექნიკური აღწერილობა.

შენიშვნა: დამატებით დოკუმენტებისა და ინფორმაციის ჩამონათვალი ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად

5. პრეტენდენტს არა აქვს უფლება წარმოადგინოს ალტერნატიული წინადადება.

6. ანგარიშსწორების პირობები

- 6.1 უნაღდო. ანგარიშსწორების ფორმა – სტანდარტული.
- 6.2 შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად, ყოველი კონკრეტული საქონლის მოწოდებიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან 20 კალენდარულ დღეში.
- 6.3 წინასწარი ანგარიშსწორება არ განიხილება.

7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში წერილობითი მიმართვის შემთხვევაში.

საკონტაქტო პირები: ინდირა გოგილავა ტელ: 577 52-70-75; ელ-ფოსტა: i.gogilava@mia.gov.ge; ნინო გეწაძე ტელ: 577 55-61-21; ელ-ფოსტა: n.gecadze@mia.gov.ge; მერაბ დოლენჯაშვილი 577 52-70-82

№	საქონლის დასახელება	განზ	რაოდ	მოწოდების ვადები	მიწოდების ადგილი
1	მამაკაცის მაისური მოკლე მკლავით	ცალი	160	ხელშეკრულების გაფორმებიდან 45 კალენდარული დღის განმავლობაში	ქ. თბილისი, ქიზიყის ქ. №5
2	ქურთუკი	ცალი	80		
3	მაისური გრძელი სახელოთი	ცალი	80		
4	ქამარი	ცალი	80		
5	ხელთათმანი	წყვ	80		
6	პულოვერი	ცალი	80		
7	ჟილეტი მრავალფუნქციური	ცალი	80		
8	მამაკაცის შარვალი	ცალი	80		
9	ქუდი თბილი	ცალი	80		

ტექნიკური პირობები

დანართი №3

მამაკაცის მაისური მოკლე მკლავით – 160 ერთეული

100%-იანი ბამბის პიკეს ქსოვილი. ზედაპირი ისე უნდა იყოს დამუშავებული, რომ მინიმუმამდე იქნას დაყვანილი გახუნების, დაჭიმუჭვნისა და შედგომის ეფექტი. საყელოს სპეციფიკური ქსოვა მუდმივად უნარჩუნებს ფორმას საყელოს ბოლოებს და არ იხვევა. კარგად ითვისებს ნაქარგს და აბრეშუმის აპლიკაციას. ზურგის მაქსიმალურად კომფორტული თარგი. თასმების გასაყრელი კანტები ბოლოში. ფარული საკალმე ჯიბე მარცხენა სახელოზე. უფრო გრძელი უკანა მხარე. ნაკერები მაქსიმალურად მჭიდრო და მტკიცე. ღილები დამზადებული უნდა იყოს მდგრადი მასალისაგან, რომელიც გაუთოვებისაგან და ქიმიური საშუალებების ზემოქმედების დროს არ ღლევა, არ იწვის და არ იყინება.

ქურთუკი – 80 ერთეული

ქურთუკი შედგება ორი ძირითადი შიდა და გარე ნაწილებისაგან. გარე ქურთუკი შეკერილი უნდა იყოს 100% ნეაილონის ქსოვილისაგან, შიდა 100% პოლიესტერის მატყლის ქსოვილისაგან, რომელსაც ეხსნება სახელოები და გამოიყენება ჟილეტად. ქურთუკი უნდა იყოს საწვიმარი, თხელი, თბილი, ჟაკეტად და ჟილეტად გამოსაყენებელი.

გარე ქურთუკის ზედაპირის შემადგენლობა უზრუნველყოფს განსაკუთრებულად მაღალი ხარისხის სითბოს, წყალგაუმტარობასა და ამავე დროს სუნთქვადობას. წყალგაუმტარი ბოჭკოთი დამუშავებული ზედაპირისა და ნაკერების და სპეციფიკური ელვა შესაკრავების კომბინაცია უზრუნველყოფს მაქსიმალურ დაცვას წყლისა და წვიმისაგან.

გარე ჯიბეები უნდა იყოს ტევადი და მოსახერხებელი .

ქურთუკს უნდა ქონდეს სპეციალური “BACK-UP BELT”-ის მარყუჟებისა და სამაგრების სისტემა, როგორც წინა ისე უკანა მხარეს, რომელიც იძლევა დამატებითი ხელსაწყოებისა და მოწყობილობების ტარების საშუალებას.

წელის მხარესა და იდაყვების ზედაპირი დაფარული უნდა იყოს ხახუნის ამტანი სპეციალური ფენით. უნდა ქონდეს სხვადასხვა სახის შესაკრავები და სამაგრები, როგორც ელვა ისე “VELCRO”-ს კაუჭები და სარქველები.

შიდა ქურთუკი უნდა იყოს ქარგაუმტარი და უზრუნველყოს მაქსიმალური სითბო და კომფორტულობა. უნდა ქონდეს მკერდის ჯიბეები იარაღისათვის, სხვა დანიშნულების ტევადი სათავსოები და სპეციალური ჭრილი გვერდითა ნაკერებზე ელვა შესაკრავით, რომლებიც უზრუნველყოფენ იარაღთან სწრაფ წვდომას.

მაისური გრძელი სახელოთი - 80 ერთეული

მასალა – 100% ბამბის პიკეს ქსოვილი. ზედაპირი ისე უნდა იყოს დამუშავებული, რომ მინიმუმამდე იქნას დაყვანილი გახუნების, დაჭიმუჭვნისა და შედგომის ეფექტი. საყელოს სპეციფიკური ქსოვა მუდმივად უნდა უნარჩუნებდეს ფორმას საყელოს ბოლოებს და არ იხვევა. ზურგის მაქსიმალურად კომფორტული თარგი. შექმნილია

უნდა იყოს მაღალი ტექნოლოგიებით, რათა უზრუნველყოს მუდმივი პროფესიონალური იერი. ფარული საკალმე ჯიბე მარცხენა სახელოზე. მაქსიმალურად კარგად უნდა იყოს შეკერილი – ნაჭერი მჭიდრო და მტკიცე, ზედაპირზე არ უნდა შეინიშნებოდეს ძაფის ბოლოები. დილები დამზადებული უნდა იყოს მდგრადი მასალისაგან, რომელიც გაუთოვებისაგან და ქიმიური საშუალებების ზემოქმედების დროს არ ღლევა, არ იწვის და არ იყინება. უნდა ახასიათებდეს ძალიან მცირე შედგომის პროცენტულობა. მდგრადი – რეცხვისა და ქიმწმენდის მიმართ. არ უნდა იცვლიდეს ფერს წყლით ან ოფლით დასველებისას. უნდა უძლებდეს ხეხვასა და გაჭიმვა-გაწურვას. არ უნდა კარგავდეს ფორმას. ხანგრძლივი გამოყენების შედეგად ზედაპირი არ უნდა იძენებოდეს და უნდა დარჩეს გლუვი.

ქამარი - 80 ერთეული

ქამარი შექმნილი უნდა იყოს ვიწრო სპეციალური მიზნებისათვის 100% ნეილონის ბოჭკოსაგან, სხვადასხვა ხელსაწყოებისა და მოწყობილობების სატარებლად. რის გამოც უნდა ქონდეს მეტი სიმტკიცისათვის ორმაგი ქსოვა. ქამრის სისქე 4მმ, ხოლო სიგანე 4,5სმ. უნდა ქონდეს სამმაგი ნაკერი და ფხრიწიანი ზომის რეგულატორი **"VELCRO"** –ს სამაგრები და შესაკრავები.

ნეილონის ჩანართები მაქსიმალური გამძლეობისა და სიმყარისათვის (იარაღის ბუდის ტარებისას). ლითონის ბალთა უნდა იყოს გლუვი და მაქსიმალურად გამძლე. უნდა უძლებდეს 900კგ დატვირთვას. უნდა გააჩნდეს სპეციალური ჩამკეტი რაც ხელის უშლის ქამრის გახსნას დიდი დატვირთვისას. ბალთა უნდა იყოს ცეცხლგამძლე და ყინვა გამძლე. არ უნდა ღლეებოდეს და არ უნდა იცვლიდეს ფორმას 70° C-მდე.

ქამრის ბოლო ისე უნდა იყოს გადაკეცილი, რომ უზრუნველყოს მოხმარების სიმარტივე და სისწრაფე. ქამარი არ უნდა იცვლიდეს ფერს სინათლისა და წყლის ზემოქმედების შემთხვევაში არ უნდა დალაქდეს ადვილად.

ხელთათმანი - 80 ერთეული

ხელთათმანი **"KEVLAR"**–ის უნდა იყოს მაქსიმალურად მდგრადი მკვეთრი სინათლისა და დარტყმისადმი. უნდა ქონდეს გამძლე თხის ტყავის ხელისგული, თითების ზედაპირები და თითებს შორის ადგილები. თითებისა და ხელის სახსრების ადგილები და ცერა თითის ადგილი გასქელებული და გამაგრებული უნდა იყოს სპეციალურად მეტი სიმტკიცისა და გამძლეობისათვის, აგრეთვე მაქსიმალური დაცულობისათვის.

ხელთათმანი მჭიდროდ უნდა ეკვროდეს ხელს, განსაკუთრებით თითების ადგილებში, რაც უზრუნველყოფს მაქსიმალურ ფუნქციონირებასა და კომფორტულობას. მაქსიმალურად დაცული უნდა იყოს ხელის როგორც შიგნითა ისე გარეთა მხარე. უნდა ქონდეს ნეოპრენისა და ველკროს მანქეტები და სპეციალურად გამაგრებული მოსაქაჩი ჩაცმის გასაადვილებლად. სპეციალურად ტაქტიკური და მყარი და გამძლე ნაკერი (ორმაგი ნაკერები ხელისგულსა და სახსრების დამცავ ფირფიტებზე). ხელთათმანი უნდა იყოს მსუბუქი და მალე უნდა შრებოდეს.

პულოვერი - 80 ერთეული

პულოვერისათვის დამახასიათებელი უნდა იყოს სხვადასხვა ქსოვილის მრავალფეროვანი კომბინაცია. მასალა 80% ბამბა და 20% სინთეტიკა, ხოლო მანქეტები და საქამრე 98% ბამბის და 2% სპანდექსის რეზინის.

ელვა შესაკრავი ¼ წინა მხარეს. შეკერილი უნდა იყოს გახუნებისადმი მდგრადი ბამბისა და პოლიესთერის კომბინაციის ქსოვილისაგან, რომლის ზედაპირიც სპეციალური ტექნოლოგიით უნდა იყოს დამუშავებული ჭუჭყისა და ლაქებისადმი მდგრადობისათვის. უნდა ქონდეს ღრმა და ტევადი სამკერდე ჯიბე სპეციალური თასმით.

მარცხენა სახელოზე უნდა ქონდეს სპეციალური საკალმე ჯიბეები და პატარა ჯიბეები ორივე მხარეს.

თითოეული დეტალი უნდა იყოს მაღალი ხარისხით შესრულებული და დამუშავებული, ნაკერები მტკიცე, მჭიდრო და გამძლე.

უნდა ქონდეს სხვადასხვა სახის **"VELCRO"** შესაკრავები, სამაგრები და ელვა შესაკრავი .

ჟილეტი მრავალფუნქციური – 80 ერთეული

მასალა – 100% ბამბის ტაქტიკური ქსოვილი. უნდა გააჩნდეს 17 ჯიბე და სხვადასხვა სათავსო იარაღის მჭიდრობის, რუქების, ბოთლების, სათვალეებისათვის და ა.შ. ჟილეტი გრძელი უნდა იყოს რათა დაფაროს იარაღი. კარგად უნდა ეთავსებოდეს **"BACK-UP BELT"**–ის სისტემას. უნდა იყოს სპეციალური აპლიკაციებით გასქელებული და გამაგრებული ადგილები მეტი სტრესის მიდამოებში სიმტკიცისა და გამძლეობისათვის.

უნდა ქონდეს ფხრიწიანი სამაგრები მეტი მოქნილობისა და შეუზღუდავი მოძრაობისათვის. სავენტილაციო ჩანართი ძურგზე მეტი სუნთქვადობისა და კომფორტისათვის. მარყუჯები გვერდით ნაკერებზე მაქსიმალური მორგებადობისათვის.

უნდა ქონდეს მარცხენა ჯიბის ბოლოში **D**-ს ფორმის რგოლი. საკეტიანი კაუჭი მარჯვენა ქვედა ჯიბის შიგნით. ელასტიური ჭრილები მარჯვენა ჯიბეზე და ელასტიური ჯიბე ბოთლის ან მათარისათვის. ქამარზე მისამაგრებელი ყულფები მჭიდრო მორგების უზრუნველსაყოფად, რათა თავიდან აცილებული იქნას ჟილეტის მოცურება ან ერთ მხარეს გადაწევა, როცა ერთი მხარე მეტადაა დატვირთული. უნდა ქონდეს სხვადასხვა სახის შესაკრავები და სამაგრები, ორმხრივი ელვა შესაკრავიავტომატური ცამკეტით და წელზე განთავსებული ფხრიწიანი სამაგრი.

მამაკაცის შარვალი – 80 ერთეული

მასალა 65% პოლიესთერი და 35% ბამბის ქსოვილი. ზედაპირი დამუშავებული უნდა იყოს ტელფონით, რაც უზრუნველყოფს ლაქების, ჭუჭყის და სისველისადმი მდგრადობას.

ჯიბეების შიდა მხარე შეკერილი უნდა იყოს 80% პოლიესთერის და 20% ბამბის ქსოვილისაგან მეტი გამძლეობისა და სიმტკიცისათვის.

არ უნდა იჭმუჭნებოდეს ადვილად, მტკიცე, მსუბუქი და მსუნთქვავი უნდა იყოს. უნდა ქონდეს ელასტიური წელი და ჩანართებიანი უბე შეუზღუდავი და თავისუფალი მოძრაობისათვის. სპეციალური საქამრეები და **D**-ს ფორმის რგოლი წინა მარჯვენა საქამრეზე. ღრმა და ტევადი ჯიბეები გასქელებული და გამაგრებული დანის დამაგრების არეებში. ტევადი ე.წ. სატვირთო ჯიბეები დიდი სარქველებით.

უნდა ქონდეს განსაკუთრებულად გამძლე **“CORDURA”**-ს ნეილონის ჩანართები სპეციალური დანის ან მობილურის ჯიბეზე მეტი ტევადობისათვის. ორმაგი მუხლის ადგილები შიდა ჯიბეებით სამუხლეების ჩასადებად. ტოტების ბოლოებზე სპეციალური კანტები თასმების გასატარებლად. სპეციალური აპლიკაციებით გასქელებული და გამაგრებული ადგილები მეტი სტრესის მიდამოებში მეტი სიმტკიცისა და გამძლეობისათვის. ორმაგი საჯდომი ადგილი და დიდი ტევადი ჯიბეები. თასმებიანი და ჭრილებიანი ჯეებები.

უნდა ქონდეს სხვადასხვა სახის შესაკრავები და სამაგრები, ორმხრივი ელვა შესაკრავი ავტომატური ჩამკეტით, ღილები ჯვარედინად უნდა იყოს დაკერებული მეტი გამძლეობისათვის.

ქუდი თბილი 80 ერთეული



თბილი, ორმაგი ნაქსოვით. ფერი შავი.

ფასების ცხრილი დანართი №1

№	საქონლის დასახელება	ტექნიკური მახასიათებელი	წარმოშობის ქვეყანა	განზ	რაოდ	ერთეულის ფასი (ლარი)	საერთო ღირებულება (ლარი)	მიწოდების ვადა	მიწოდების ადგილი
მთლიანი ჯამი									

შენიშვნა: საუკეთესო ფასის მქონე პრეტენდენტმა ვაჭრობის დასრულების შემდეგ 2 დღეში უნდა წარმოადგინოს საქონლის ნიმუში შემსყიდველ ორგანიზაციაში შემდეგ მისამართზე: ქ. თბილისი, ქიზიყის ქ. №5. ნიმუშის შემსყიდველ ორგანიზაციაში წარმოუდგენლობა გამოიწვევს პრეტენდენტის დისკვალიფიკაციას.

აფიდავიტი
სატენდერო წინადადების დამოუკიდებლად განსაზღვრის თაობაზე

მე, ქვემოთ ხელმომწერი, _____

(სახელი, გვარი, პ/ნ)

სახელით,

(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას _____

(შემსყიდველი ორგანიზაცია და სატენდერო კომისიის დასახელება)

მის მიერ _____

(ტენდერის გამოცხადების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
2. უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
4. ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - ა) სატენდერო წინადადების ფასი;
 - ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - გ) სატენდერო წინადადების წარდგენა ან წარდგენისგან თავის შეკავება;
 - დ) ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
 - ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

სატენდერო წინადადების საგარანტიო უზრუნველყოფა
(საბანკო გარანტიის შემთხვევაში)

ვითვალისწინებთ რა, რომ _____
(პირი, რომელზეც გაიცემა საგარანტიო წერილი)

(შემდგომში „პრეტენდენტი“) მზად არის წარმოადგინოს თავისი სატენდერო წინადადება
_____ სატენდერო კომისიის მიერ
(შემსყიდველი ორგანიზაციის დასახელება)

_____ შესყიდვაზე გამოცხადებულ ტენდერში მონაწილეობის
(საქონლის დასახელება)

მისაღებად, ჩვენ _____ (შემდგომში „ბანკი“)
(ბანკის დასახელება)

ვ ა დ ა ს ტ უ რ ე ბ თ, რ ო მ

ვიღებთ ვალდებულებას _____ (შემდგომში „შემსყიდველი“)
(შემსყიდველი ორგანიზაციის დასახელება)

წინაშე, რომლის მიხედვითაც დროულად და სრულად უზრუნველყოფთ შემსყიდველისათვის
_____ გადახდას
(თანხა ციფრობრივად, სიტყვიერად, კალუტის მითითებით)

შემდეგ შემთხვევებში:

1. თუ სატენდერო წინადადებების გახსნის შემდეგ პრეტენდენტმა უარი განაცხადა ტენდერში მონაწილეობაზე, თავისი სატენდერო წინადადების მოქმედების ვადის დასრულებამდე;
2. თუ პრეტენდენტი გამარჯვების შემთხვევაში უარს განაცხადებს შემსყიდველთან სახელმწიფო შესყიდვის შესახებ ხელშეკრულების დადებაზე;
3. თუ პრეტენდენტი დისკვალიფიცირებულ იქნა შესყიდვის პროცედურების დროს არაკეთილსინდისიერი ქმედების ჩადენის გამო.

გარანტია ძალაში რჩება _____მდე* .
(თარიღი)

* გარანტიის მოქმედების ვადა უნდა იყოს პრეტენდენტის სატენდერო წინადადების მოქმედების ვადაზე 30 კალენდარული დღით მეტი.

ბანკი უზრუნველყოფს საგარანტიო თანხის გადახდას შემსყიდველის წერილობითი მოთხოვნის მიღებისთანავე, შემსყიდველის მხრიდან ყოველგვარი მტკიცებულებების წარმოდგენის გარეშე, იმ პირობით, რომ შემსყიდველის მოთხოვნაში მითითებული იქნება რომელი ზემოაღნიშნული შემთხვევის (შემთხვევების) დადგომის გამო ეკუთვნის მას ეს თანხა და შემსყიდველის მოთხოვნა საგარანტიო თანხის გადახდაზე წარედგინება ბანკს გარანტიის მოქმედების ვადის დასრულებამდე.

(ხელმოწერა)

(სახელი, გვარი, თანამდებობა)

პროექტი ხელშეკრულება სახელმწიფო შესყიდვების შესახებ №

ქ. თბილისი

„-----“ „-----“ 2013 წ.

1. ხელშეკრულების მხარეების ზუსტი დასახელება და რეკვიზიტები

წინამდებარე ხელშეკრულება დაიდო ერთი მხრივ (შემდგომში შემსყიდველი) საქართველოს შინაგან საქმეთა სამინისტროს სპეციალური და საგანგებო ღონისძიებების ცენტრის ადმინისტრაციის უფროსის ----- სახით, მის: (ქ.თბილისი, 9 აპრილის ქ.№4) და მეორეს მხრივ (შემდგომში მიმწოდებელი) -----ს ღირექტორის ----- სახით, (მის: ქ. თბილისი ----- ტელ: -----) და მიღწეულ იქნა ურთიერთშეთანხმება მიმწოდებლის მიერ წარმოდგენილი სატენდერო წინადადების საფუძველზე № ***** შემდეგზე: ელექტრონული ტენდერის – ----- შესყიდვაზე

2. ხელშეკრულების ობიექტის დასახელება

2.1 მიმწოდებელი იღებს ვალდებულებას მიაწოდოს შემსყიდველს:

2.2 ხელშეკრულებით გათვალისწინებული მოსაწოდებელი საქონლის აღწერა მოცემულია ტექნიკურ დავალებასა და ტექნიკურ დოკუმენტაციაში, რომელიც დაერთვება ხელშეკრულებას, როგორც მისი განუყოფელი ნაწილი.

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს: ----- (სიტყვიერად) ლარს.

3.2. ხელშეკრულების ჯამური ღირებულება უნდა შეიცავდეს მიმწოდებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

3.3 დაფინანსების წყარო – 2013 წლის სახელმწიფო ბიუჯეტი.

4. ანგარიშსწორების ფორმა და ვადები

4.1 უნაღდო. ანგარიშსწორების ფორმა სტანდარტული.

4.2 შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად, ყოველი კონკრეტული პარტიის შემოტანიდან კანონმდებლობის შესაბამისად ანაზღაურების საჭირო დოკუმენტაციის წარმოდგენიდან 20 კალენდარულ დღეში.

4.3 საქონლის მოწოდება მოხდება ყოველი კონკრეტული პარტიის მოთხოვნის შესაბამისად და იმ შემთხვევაში თუ არ იქნა შესაბამისი მოთხოვნა, შესაძლებელია ხელშეკრულების თანხის შემცირება.

5. მიღება ჩაბარების წესი

5.1 შესყიდვის ობიექტის (საქონელი) მიღების ვადა განისაზღვროს -

5.2 შესყიდვის ობიექტის (საქონელი) მიწოდების ადგილი: ქ. თბილისი, ქიზიყის ქ. №5.

5.3 შესყიდვის ობიექტი (საქონელი) ან მისი ნაწილი (ეტაპი) ჩაითვლება მიღებულად მხოლოდ სათანადო დოკუმენტაციის გაფორმების შემდეგ.

5.4 მიმწოდებელს შეუძლია შუალედური მიღება-ჩაბარების აქტის გაფორმება, ხოლო სრულად შემოტანილი საქონლის დასრულების შემდეგ მიმწოდებელი შესყიდველს წარუდგენს საბოლოო მიღება-ჩაბარების აქტს.

5.5 შესყიდვის ობიექტის ან მისი ნაწილის, ეტაპის (შუალედური) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.6 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული შესყიდვების ობიექტის (საქონელი) წუნდების მიზეზების მითითებით.

6. შესყიდვის ობიექტის ხარისხი

6.1 მიმწოდებლის მიერ ხელშეკრულებით გათვალისწინებული მიწოდებული შესყიდვის ობიექტი უნდა იყოს მაღალი ხარისხის და შეესაბამებოდეს შემსყიდველის ორგანიზაციის მოთხოვნებს, კერძოდ: ტექნიკურ დავალებასა და ტექნიკურ დოკუმენტაციაში აღწერილი საქონლის შესაბამისი, რომელიც დაერთვება ხელშეკრულებას, როგორც მისი განუყოფელი ნაწილი

7. მხარეთა უფლება მოვალეობანი

7.1 მიმწოდებელი იღებს ვალდებულებას განახორციელოს შესყიდვის ობიექტის მიწოდება 5.1 პუნქტში მითითებულ ვადებში.

7.2 მიმწოდებელი იღებს ვალდებულებას უზრუნველყოს შესყიდვის ობიექტის მიწოდება ტექნიკური დავალებითა და ტექნიკური დოკუმენტაციის შესაბამისად.

7.3 მიმწოდებელი იღებს ვალდებულებას შესყიდვის ობიექტის ან მისი ნაწილის, ეტაპის მიღების და/ან საბოლოო შემოწმების შედეგად გამოვლენილი დეფექტის ან ნაკლის შემთხვევაში საკუთარი ხარჯებით დაუყოვნებლივ აღმოფხვრას გამოვლენილი დეფექტი ან შეცვალოს ახლით.

7.4 ამასთან შემსყიდველი ორგანიზაცია ვალდებულია ხელშეკრულებით ნაკისრი ვალდებულებების სრულად და ჯეროვნად შესრულებისათვის მიმწოდებელს აუნაზღაუროს ხელშეკრულების 3.1 პუნქტში გათვალისწინებული თანხა.

8. მხარეთა პასუხისმგებლობა ხელშეკრულების პირობების დარღვევისათვის

8.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მიმწოდებელი პასუხს აგებს შემსყიდველის წინაშე საქართველოს მოქმედი კანონმდებლობის შესაბამისად;

8.2 შემსყიდველი უფლებამოსილია საქონლის მიწოდების ვადის გადაცილების შემთხვევაში დააკისროს მიმწოდებელს საურავი ყოველ ვადა გადაცილებულ დღეზე დროულად მიუწოდებელი საქონლის რაოდენობის ღირებულების **0,2 %**-ის ოდენობით.

8.3 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის და/ან უხარისხო საქონლის მიწოდების შემთხვევაში, მიმწოდებელს დააკისროს ჯარიმა მიუწოდებელი და/ან უხარისხო საქონლის ღირებულების **5%**-ის ოდენობით.

9. ხელშეკრულების ინსპექტირების პირობები

9.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებები - კონტროლი. კონტროლს ხელშეკრულებით გათვალისწინებულ ურთიერთობებთან დაკავშირებით განახორციელებს სპეციალური ჯგუფი (ინსპექტირების ჯგუფი), შემოწმდება რამდენად დაცულია ხელშეკრულების მიხედვით ნაკისრი ვალდებულებები, კერძოდ; ფაქტიურად მიწოდების ვადა, ფორმა და ხარისხი.

9.2 შემსყიდველს ან მის წარმომადგენელს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტი (საქონელი), რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან;

9.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

9.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

9.5 მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ფასისა და ხარისხზე შემსყიდველის მხრიდან კონტროლს განახორციელებს შესაბამისი **წარმომადგენელი პირი** –

9.6 წარმომადგენელი დოკუმენტაციის სისრულეზე და რეალობაზე პასუხისმგებელია 9.5 პუნქტში მითითებული

პირები.

10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით

10.4 ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

10.6 მხარეები იღებენ ვალდებულებას შეატყობინონ ერთმანეთს აღნიშნული ხელშეკრულების პირობების ცვლილებათა შესახებ არაუგვიანეს 10 დღისა.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდერული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. ხელშეკრულების შეწყვეტა

12.1 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, მიმწოდებლის მიერ ხელშეკრულების პირობების შეუსრულებლობის შემთხვევაში.

12.2 შემსყიდველსა და მიმწოდებელს შორის ურთიერთ შეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსელია ცალმხრივად მიიღოს გადაწყვეტილებას ხელშეკრულების შეწყვეტის შესახებ.

12.4 შემსყიდველი ხელშეკრულების სრული ან ცალკეული შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

13. დამატებითი პირობები

13.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

13.2. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან

რეპუტაციას და ღირსებას.

13.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

13.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ მოხდა საკითხის ერთობლივი შესწავლა და შესაბამისი ფაქტების დადასტურება.

13.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

13.6 წინამდებარე ხელშეკრულება შედგენილია ოთხ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება „შემსყიდველთან“ და „მიმწოდებელთან“.

13.7. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

14. დავების გადაწყვეტის წესი

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

14.2 თუ ასეთი მოლაპარაკების დაწყებიდან ოცდაათი დღის განმავლობაში შემსყიდველი და მიმწოდებელი ვერ შეძლებენ სადაო საკითხების შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს მოქმედი კანონმდებლობის შესაბამისად.

14.3 თუ მიმწოდებელი არ არის საქართველოს რეზიდენტი, ხელშეკრულების განხორციელების პროცესში მხარეთა შორის წარმოქმნილი სადაო საკითხების განხილვა განხორციელდება საარბიტრაჟო გარჩევის გზით, საერთაშორისო სავაჭრო სამართლის შესახებ გაეროს საარბიტრაჟო კომისიის წესების შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა ხელმოწერის დღიდან და მოქმედებს 2013 წლის 20 დეკემბრის ჩათვლით.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა რეკვიზიტები:

შემსყიდველი ორგანიზაცია:

საქართველოს შინაგან საქმეთა სამინისტრო
ქ. თბილისი, 9 აპრილის ქ. №4

საბანკო რეკვიზიტები:

საქართველოს სახელმწიფო ხაზინა

ბანკის კოდი: 220101222

ანგარიშსწორების ანგარიში: 200122900

საიდენტიფიკაციო კოდი 204494788

საპეციალური და საგანგებო ღონისძიებების

ცენტრის ადმინისტრაციის უფროსი

იაკობ გეგეშიძე

შემსრულებელი ორგანიზაცია:

შპს „-----“

ქ. -----

საბანკო რეკვიზიტები:

სს „ ბანკი“-ს

ბანკის კოდი:

ანგარიშსწორების ანგარიში:

საიდენტიფიკაციო კოდი:

დირექტორი

შენიშვნა: წინამდებარე ხელშეკრულების პროექტი დაზუსტდება ხელშეკრულების გაფორმების დროს.